



2
5
23
5

2
5
23
5

10 - 24 - 35

2a
N

5-24-9

2
5
23
5

REVELTI
MACHINA
COELESTIS.

[Faint, illegible handwriting]


N°.

du Catalogue des Livres rares de
la classe de l'assortiment de
J. B. M. DUPRAT, Libraire pour
les Mathématiques, quai des
Augustins, N°. 25, à Paris.

J. HEVELII

MACHINA
COELESTIS.

*Illustrissimo ac Amplissimo Viro
Dn^o Johanni Capellano
amico honorando
perpetuum Benevolentiae monu-
mentum mitti*

Factor. sup.


J. HEVELII

MACHINA

COELES-
TIS.

*Proprietate J. Hevelii
in hunc locum
transmissa
a J. Hevelio
in hunc locum*

Hevelii

JOHANNIS HEVELII
MACHINÆ COE-
LESTIS

PARS PRIOR;

ORGANOGRAPHIAM,

Sive

Instrumentorum Astronomicorum omnium,
quibus Auctor hætenus Sidera rimatus,
ac dimensus est,

ACCURATAM DELINEATIONEM,

ET

DESCRIPTIONEM,

Plurimis Iconibus, æri incisis, illustratam & exornatam,
exhibens:

Cum

*Aliis quibusdam, tam jucundis, quàm scitu dignis,
ad Mechanicam, Opticamque Artem pertinentibus;*

In primis,

De Maximorum Tuborum Constructione,
& commodissimâ Directione;

NEC NON

Novâ ac Facillimâ

Lentes quasvis, ex sectionibus Conicis, expoliendi
Ratione.

Cum Privilegio Sac. Casarea, & Reg. Polon. Majestatum.

G E D A N I.

AUCTORIS Typis, & Sumptibus,

Imprimebat

SIMON REINIGER.

ANNO M DC LXXIII.



JOHANNIS HEVELII
MACHINAE COE-
LESTIS
PARS PRIOR
ORGANOGRAPHIAM

sive
Instrumentorum Astronomicorum omnium
quibus Auctor hactenus sidera fixa
ac diurnas est
ACCURATAM DELINEATIONEM
ET
DESCRIPTIONEM

Plurimis Iconibus, et incisis, illustratam & exornatam
exhibens:
Cum
Aliis quibusdam, tam puerilibus, quam scitu dignis,
ad Mechanicam, Opticamque Astronomiam pertinentibus;
In primis,

De Maximorum Tuborum Constructione
& commodissima Dictione;
Nec non

Novae ac Facillimae
Lentes quasvis, ex sectionibus Conicis, excolendi
Ratione.

Cum Privilegio Sac. Caes. & Reg. Polon. Majestatum.

GEDANI
Auctoris Typis, & sumptibus

Imprimetur
SIMON REINIGER.

ANNO M DC LXXIII





POTENTISSIMO, INVICTISSIMO,
AC
CHRISTIANISSIMO,
FRANCIÆ & NAVARRÆ
REGI,
LUDOVICO
XIV,
DOMINO LONGE CLE-
MENTISSIMO.



CHRISTIANISSIME REX,

Augustissimæ TUÆ MAJESTA-
TIS fulgentissimus Splendor, Orbem Ter-
B rarum

rarum, quâ patet, univcrsum, radiis Heroi-
carum Virtutum, admirabiliter coruscanti-
bus gloriosissimè collustrans; tum è diver-
fo nominis, ingeniiq; mei, dum meo me mo-
dulo metior, tenuitas, hominem præsertim
extraneum, sub Arcto oriundum, & in an-
gulo suo latitantem, ab Eminentissimo TUO
Throno deterrere utiq; & repellere po-
tuisset, ac fortassis jure etiam meritoq; de-
buisset. Sed Incomparabilis TUA in tam
Excelfo fastigio Bonitas, ac Clementia, tum
summa illa, summeq; admirabilis pariter ac
venerabilis, erga Scientias Artesque, in pri-
mis Uraniam nostram Propensio, quâ Di-
vam illam, omnesq; Ejus Cultores SACRA-
TISSIMA TUA MAJESTAS, ex
innatâ Regiâ Generositate, nunquam non
respicere dignatur, animum rursus mihi ad-
didit, ut non verear ad TE, INVICTIS-
SIME REX, accedere, & Machinam hanc
meam Cœlestem, TUÆ MAJESTATIS
Augustissimo Nomini dicatam jure optimo,
& consecratam, pro contestandâ humilli-
mè Animi gratisfimi obsequentissimiq; ve-
neratione debitâ, ad Regios TUOS Pedes
provo-

provolutus, subjectissimâ & devotissimâ manu offerre, atque deponere. Id quod spe facere audeo optimâ fretus, cum TU, SACRATISSIME REX, ut Toti Orbi Literato fatis superque exploratum est, admirandos Cœli Orbes, in DEI Gloriam, Humanæque Mentis Culturam, ac Utilitatem contemplari, pulcherrimasque Siderum ac Stellarum formas rimari, gloriosum semper ducas; imò ut Cœlestia magis magisque indagentur, excolantur, exornentur, gnavis & gnaris Cœli Metatoribus ferio id dare negotii soleas: fore ut AUGUSTISSIMA MAJESTAS TUA hancce qualem qualem Machinulam Cœlestem, studio equidem à me ac labore (ut de sumptibus atque impensis taceam) non exiguo conditam, tum prætereà tot jam annis Cœlo ipsi Stellato haud usque adeò invitâ Uraniâ adhibitam, clementissimè admittere haud dedignetur. Annue igitur, PRÆGLORIOSISSIME REGUM, & tenuissimum hoc Opusculum, ad Sideralem Scientiam felicjùs excolendam, faciliusque provehendam unice à me susceptum; TUÆ verò Incom-

parabilis Benignitatis, Summæq; Munificen-
tiæ Immortali Beneficio in lucem protra-
ctum publicam, Placidissimo Vultu, Sere-
nissimisq; Oculis intuerè; tum Auctorem
quoque ipsum, humillimo id, devotissimo-
que, pro eo uti par est, animo contendem-
tem, Exoptatissimisq; **MAJESTATIS AC
GRATIÆ TUÆ REGIÆ** Radiis re-
creari, ut hætenus, porrò indulgentissimè
sine. Quod si impetravero, non solum eo
me nomine felicem, sed laborum etiam, &
vigiliarum mearum fructum longè maximum
consequutum existimabo: crescetque inde
animus, ut majori, quàm unquam hætenus,
alacritate ea, quæ adhuc molior, cumq; Or-
be Erudito, si **DEUS** permiserit, commu-
nicare cogito, aliquantò, ut nonnulli judi-
cant, digniora & sublimiora, Organis hisce
nostris ex ipso hausta æthere, in Publicum,
Astronomicarum, uti confidimus, Artium
bono, proferam & protrudam. Quod su-
perest, **DEUM O. M.** ex intimis præcer-
diis veneror, ut **TUÆ AUGUSTISSI-
MÆ REGIÆ MAJESTATI** plurimos
vitæ annos, exoptatissimam valetudinem,
perpe-

perpetuamq; Felicitatem, ad NOMINIS
DIVINI Gloriam, Orbisq; Christiani, ac
Literati emolumentum maximum, Clemen-
tissimè largiatur. Dabam Dantisci, Anno
Millesimo Sexcentesimo Septuagesimo Ter-
tio, Sole in medio Leonis existente.

*SACRÆ, AC CHRISTIA-
NISSIMÆ MAJESTA-
TIS TUÆ,*

*Humillimus, ac Subje-
ctissimus*

J. HEVELIUS.

INDEX CAPITUM

ATQUE

SERIES TOTIUS OPERIS.

CAPUT I.

De Instrumentis Astronomicis, tam Veterum, quàm Recentiorum in genere.

CAPUT II.

De Quadrante Orichalcico.

CAPUT III.

De Sextante Orichalcico.

CAPUT IV.

De Sextante Chalybeo.

CAPUT V.

De Quadrante Horizontali ligneo.

CAPUT VI.

De Sextante Magno Ligneo.

CAP. VII.

De Octante Magno Ligneo.

CAPUT VIII.

De Quadrantibus Orichalcicis Minoribus.

CAPUT IX.

De Quadrante Magno Azimuthali.

CAPUT X.

De Quadrante Magno Horizontali Aeneo Volubili.

CAPUT XI.

De Sextante Magno Orichalcico

CAPUT XII.

De Octante Maximo Orichalcico.

CAPUT XIII.

De Sextante Portatili.

CAPUT XIV.

De Instrumentorum Pinnacidis, sive Dioptris.

CAPUT XV.

De Instrumentorum Divisionibus.

CA.

CAPUT XVI.

De Instrumentis quibusdam, pro inveniendâ Lineâ Meridianâ & explorandâ Magnetis Declinatione.

CAPUT XVII.

De Horologiis.

CAPUT XVIII.

De Peculiari Machinulâ Helioscopicâ, pro Eclipsibus, Maculisque Solaribus exquisitè determinandis.

CAPUT XIX.

De quibusdam Telescopiis, eorumque Directionibus.

CAPUT XX.

De Tubi Optici Sexaginta pedum Constructione & Directione.

CAPUT XXI.

De Telescopio nostro Maximo.

CAPUT XXII.

De Peculiari Observatorio, maximis Telescopiis convenientissimo.

CAPUT XXIII.

De Lentibus Conicis elaborandis & expoliendis.

CAPUT XXIV.

De Stellæburgo nostro, diversisque Speculis Astronomicis.

ORDO FIGURARUM.

Figura	A inter pag. 96 & 97	Figura	Q inter pag. 270 & 271
	B inter pag. 102 & 103		R inter pag. 282 & 283
	C inter pag. 108 & 109		S inter pag. 300 & 301
	D inter pag. 114 & 115		T inter pag. 308 & 309
	E inter pag. 124 & 125		T inter pag. 334 & 335
Figura	F inter pag. 132 & 133	Figura	V inter pag. 372 & 373
	G inter pag. 136 & 137		W inter pag. 374 & 375
	H inter pag. 150 & 151		X inter pag. 382 & 383
	I inter pag. 164 & 165		Y inter pag. 392 & 393
	K inter pag. 184 & 185		Z inter pag. 406 & 407
Figura	L inter pag. 200 & 201	Figura	AA inter pag. 410 & 411
	M inter pag. 222 & 223		BB inter pag. 420 & 421
	N inter pag. 242 & 243		CC inter pag. 428 & 429
	O inter pag. 254 & 255		DD inter pag. 432 & 433
	P inter pag. 264 & 265		EE inter pag. 444 & 445






JOHANNIS HEVELII
IN
MACHINAM
COELESTEM

PRÆFATIO

AD
LECTOREM.



Astronomiam, inter omnes di-
sciplinas Mathematicas, caput altiùs exse-
rere, ac præ aliis Scientiis plurimis lumi-
ne naturali acquisitis, celsissimam hono-
ris sedem jure merere, apud Eruditos
haud cadit in disceptationem. Etenim
non solum circa omnium Nobilissimum,

*Astronomia
aliarum Ma-
thematicarum
Scientiarum
est Regina.*

*Circa præ-
stantissima
versatur ob-
jecta.*

ac pulcherrimum occupatur subjectum, circa corpora vi-
delicet illa ætherea maxima, ac mirabilissima DEI opera,
quorum amplitudinem, distantiam, & mirabilem, adeoq;
multiplicem, ac abstrusissimum motum contemplatur, in-
vestigat, plus plusq; detegit, tum ad seram, in rerum omni-
um Conditoris Honorem, generisque humani maximam
utilitatem, propagat Posteritatem; quin-etiam viâ metho-
doque utitur res illas maximè disctas, aliarumque rerum
naturalium abditissimas explorandi, easque demonstnan-
di, quàm reliquæ Artes & Scientiæ longè efficaciori, &
certiori, ex ipsis scilicet Geometriæ, & Arithmeticæ fonti-
bus, nec non oculari demonstratione, ac plurimis longâ
temporum serie, debitis Organis acquisitis observationi-
bus deductâ, ac depromptâ.

*Solidis fun-
damentis, ac
firmis
innititur ra-
tionibus.*

A

Super

*Etherea
corpora sunt
magna febe-
ra Opera.*

*Res omnino
sublimis, Cæ-
lestium arca-
nis dare ope-
ram.*

*Corda hu-
mana, Rerum
aetheriarum
Contempla-
tione, ad su-
pra Cælestia
mirè erigun-
tur.*

*Astronomiam
nunquam non
omni obser-
vantia cultâ,
ac debitâ ve-
neratione pro-
sequuti sunt.*

*Tam Ethni-
ci.*

Super hæc, si totam hanc Mundi Machinam aliquantò penitiùs introspicimus; quid? quæso aliarum rerum omnium Sole Præstantius, Magnificentius, Lunâ pulchrius, Planetis, Stellisque omnibus admirabilius ac nobilius, universis ad enarrandam, & celebrandam DEI Gloriam unicè creatis. Proinde ultrò largiendum, nihil etiam esse sublimius, præstantius, neque jucundius, laudabilius, utiliusque, quàm ex hoc Terreno corpusculo, in hac fragili atque exiguo vitæ nostro curriculo, amplissima illa ac mira Cælestia Corpora aliquantò penitiùs, in majorem Supremi Numinis, Operum Mirabilium cognitionem contemplari & perscrutari. Quâ mens nostra, ut à Terrenis validissimè avocatur, sic e contrariò ad æterna illa nimium quantum deducitur, ac erigitur; quò possimus eò intimiùs, Ævi Conditoris admirabilem Potentiam, in perscrutabilem Sapientiam, atque ineffabilem Bonitatem cognoscere.

Quæ cum ita sint; utique genuina Astronomia, quæ nos eò ducit, aliarum Mathematicarum Scientiarum meritisimo jure est Nobilissima ac jucundissima; quid quod simul multis aliis Artibus, Scientiis, Studiisque multum præbeat luminis, atque utilitatis. Exinde evenit, quòd nunquam non apud omnes Sapientiores, imò apud Reges & Principes, Sceptra Mundi tenentes, in summo honore ac pretio extiterit; nihil potius habentes, quàm Eam omni memoriâ benignissimè protegere, magno animo conservare, quin-etiam strenuè se ipsos Ei navare posse operam.

Quam impenso amore, & singulari veneratione Divinam hanc Sideralem Scientiam Philosophi Ethnici aliorum etiam Sapientiores prosequuti fuerint, partim Seneca Lib. VII. Cap. I. Natural. Quæst. hisce exprimit verbis: *Non aliud quis aut magnificentius quæserit, aut didicerit utilius, quàm de Stellarum Siderumque naturâ: partim Plato in Epinomide: Nolite ignorare Astronomiam Sapientissimum quiddam esse. Sic quoque Plinius, Vir magnæ Eruditionis Rerum Cœlestium Studiosos hac egregiâ allocutione dignatus: Maeste, (inquit) ingenio este Cæli Interpretes, rerumque naturæ capaces; argumenti repertores, quò DEOS hominesque vicistis. Rursus Ovidius*

vidius Poëtarum haud postremus, fortunatos beatosque deprædicat omnes Cœli Inspectores :

Felices animæ, quibus hæc cognoscere primis, Inq; domus superas scandere cura fuit.

Sed non minus, qui Christo nomen dederunt Astronomiam plurimi fecerunt, ut Eam, tanquam Scientiam utilissimam, hominiquè Christiano condignam, ejus dignitatem sustinere, ac propagare omnibus modis contenderint.

Imò ipse Propheta, divino ductus instinctu, omnes quasi ad Contemplationem æthereorum Corporum seriò adhortatur, ac impellit: *Attollite (exclamat) in sublime oculos vestros, & videte quis creaverit ista. Dominus est, qui educit in numero exercitum illarum; omnes illas ex nomine vocat: præ multitudine, & forti potentiâ ne unum quidem deest: Cap. 40.*

Ac si dicere velit, Splendidissima, Amplissima, admirabiliquè motu prædita hæc corpora Cœlestia, in summo æthere, ordine planè incomprehensibili, à DEO, Mundi Artifice, non eo fine accensa, atque disposita sunt, ut ea nudè tantum, cum Brutis Animalibus adspiciamus, neque cum cœcutientibus Ethnicis vel vereamur, vel adoremus, divinove cultu veneremur; sed ut Gloriam ejus enarrent, & quàm magna sint Jehovæ opera, loquente Rege, & Propheta Davide: quò sic ex intuitu, & intimiore horum divinorum Operum contemplatione, Creatoris Sapiencia, Potentia, Bonitas, & admiranda Directio magis magisque nobis elucescat, ac innotescat; nec non corda nostra, ad puriorem Divini Numinis cultum, & debitâ Venerationem erigantur. Præprimis, ut eò acriùs incitemur, ad agendas toto pectore gratias submississimas, quò splendidissima illa Cœli Corpora, in maximum commodum totius humani generis creaverit, atque in eo admirabili, & invariabili ordine hucusque planè conservaverit: quò perpetuò dividant, quemadmodum ipsa loquitur Sacra Scriptura, *diem à nocte, & sint in signa, & tempora, & dies & annos, ad vitam mortalibus eò commodiùs in Altissimi Gloriam, proximi que utilitatem, instituendam, & transigendam.*

Quàm Christiani.

Quin-etiam Sacra Pagina ipse ad Spectacula rerum Cœlestium maxime excitant, invitâque homines omnes.

Quem in finem?

Astra, maxime humano generi inserviunt.

Scientia Sidera homines mirum in modum oblectat, atq; recreat.

Scientia Sidera homines mirum in modum oblectat, atq; recreat.

Astronomia reliquas fere Scientias omnes egregie promovet, ac exornat.

Tam Medicinam, Agriculturam, quam Mercaturam.

Quæ contemplationes Coelestes, ut ad æternam salutem efficacissimè nos deducunt; sic quoque animum nostrum, præ cæteris ferè Scientiis omnibus, mirè recreant, atque oblectant; attestante Cicerone Lib. IV. Academic. Quæst.: *Est animorum (inquit) ingeniorumque naturale quoddam pabulum, consideratio, contemplatioque naturæ, præprimis rerum Coelestium.* Et rursus Lib. V. Tusc. Quæst.: *Quid est dulcius otio literato? iis dico literis, quibus infinitatem rerum, atque naturæ, & in hoc ipso mundo, Cælum etc. cognoscimus.* Cumprimis, quid suavius, ac delectabilius, quàm contemplari, suismet oculis perlustrare, hoc nostro præsertim tempore insignium & maximorum Telescopiorum adminiculo, tot ac tot amplissimorum Luminum genuinas facies, earumque miras varietates, vicissitudinesque, tum perpetuò quidem variabilem, ordinatissimum tamen, ac constantissimum motum præ se ferentium.

De cætero, habet etiam Divina hæc nostra Scientia, in totâ vitâ humanâ amplissimam suam utilitatem, plurimaque summè necessaria in reliquas Scientias Artesque confert; non solum in Geometriam, Arithmeticam, Opticam, Gnomonicam, Harmonicam, & Mechanicam (quarum operâ pariter haud rarò illa ipsa utitur) sed etiam in Medicinam, Agriculturam, Mercaturam, Rem Nauticam, Hydrographiam, Geographiam, & Chronologiam; ita ut pleræque, absque Astronomiæ auxilio, nec rectè excoli, conservari, nec per se subsistere ullo modo queant.

Quid Sideralis Scientia in Medicinâ valeat satis superque habemus exploratum, etiam ex admonitione ipsius Galeni ad ægrotos, qui sibi caveant, suadet, *ne se committant manibus Medicorum Astrologiam ignorantibus.* Quàm maximoperè insuper Agricultura, & Mercatura opus habeat Mensibus & Diebus, ad tempora rectè distinguenda, quarum præcisam quantitatem sola Astronomia præscripsit, ac ad certas leges reduxit, nullâ fusiori probatione indiget. Hincque jam olim, dictam Scientiam, instar regulæ, pro exercendâ Agriculturâ, & Mercaturâ, habuerunt. Prisci enim priusquam Calendaria obtinuerunt, ex Siderum

rum Fixorum ortu & occasu, tempestates anni distinxerunt, atque opportuna tempora operum suorum observarunt.

Res item Nautica, an possit subsistere, ac adeò feliciter per totum Oceanum, ambitumque Terrenum, & quidem securissimè diu noctuque exerceri? nisi Nautæ saltem aliqualem Astronomiæ haberent cognitionem, ut possent altitudines Poli, Solis & Stellarum, hujusve generis alia convenientibus Instrumentis debite rimari? dijudicandum relinquo omnibus. Pariter Geographia ferè tota, ab Astrorum Scientiâ dependet. Namque non solum iisdem planè Polis circulisque in globis suis Terrestribus describendis, locisque distinguendis utitur, qui usurpantur aliàs in Cœlestibus; verum etiam nisi ipsas Longitudines, Latitudinesque locorum ab ipsâ peteret Astronomiâ, posset ne vel ullius alicujus Regionis correctam delineationem, nedum descriptionem nobis exhibere? Non minùs Chronologia, num ad libellam, ac solidè possit fundari, stabiliri, ac demonstrari, absque omni prorsus Calculo Eclipsium utriusque Luminaris, ab Astrorum Interpretibus petito, nemo sibi facile persuadere. Profectò, quid susciperent, præstarentque Chronologi, Chronographi, Rerumque Gestarum Scriptores omnes, si veram cujusvis anni, Mensium & Dierum magnitudinem, Astronomi ex observationibus Æquinoctiorum, & Solstitionum deductam, ipsis non suppeditarent. Abundè equidem innotuit, silente ex parte Astronomiâ, vel potius dormitante leniter, currentibus quibusdam seculis, quanta extitit temporum aberratio, imò confusio; adeò ut jam Julii Cæsaris tempore, neque Messium feriæ æstate, neque Vindemiarum autumnò amplius competerent; Plutarcho, & Suetonio testibus. Quid postmodum, successu temporis, in eodem negotio, circa Calendarium Julianum acciderit, & quid sine dubio, futuris seculis obtingeret, si cessaverit Astronomorum diligentia, Eruditi optimè perspiciunt. Omnium itaque suffragio certissimum est, Annorum & Mensium veram distributionem, ab Astrorum Scientiâ unice dependere.

*Nec non
Rem Nauticam.*

Geographiam.

Chronologiam.

Chronographiam.

Sola Astronomorum cura, atque opera, genuina annorum, Mensium, ac dierum magnitudines explorantur, conservantur.

Olim temporum magna exitu turbatio.

Calendarium habet maximam necessitatem.

Cæli Metatores quid præstiterint.

Praclarissima Astro-nomorum nomina.

Homines ferè omnes, de Scientiâ Astronomicâ, haud levia depromunt.

Ab initio Mundi, nemo nõ strenuè al-laboravit, quò

Hincque nec in Civilibus, nec in Ecclesiasticis negotiorum ordo, quamecunq̃ etiam agas vitam, in quocunq̃ etiam statu verferis debite conservari, nec Principatus, Regnavere rectè administrari, ac regi, sublato scilicet omni Calendario, (quo tamen hocce tempore ob Astrologiæ abusum, nihil ferè abjectius) ullo modo possunt.

Verum enimverò; quis quæso huic notitiæ primus jecit fundamenta? quis eam ordine hucusque certis limitibus circumscriptam conservavit? quis Lunæ, Solisq̃ defectus, Plenilunia, Novilunia, Quadraturas, reliquosque Siderum adspectus, homini scitu dignissima, imò nonnunquam maximè necessaria, omni tempore, tam in præteritum, quàm futurum supputat, ac determinat? quis dierum noctiumque inæqualem prolixitatem, Siderum, Solis, Lunæque ortum & occasum, pro quovis Horizonte, ad præcognoscendum Maris æstum, ut reliqua præteream quamplurima, in maximum usum totius humani generis planissimè designat, & verissimè prænunciat? Nonne Fastos, Cyclosque apud Græciæ Asiæq̃ Populos, Meton, Eutemon, Oenopides, Cliostratus, Eudoxus, & Calippus digeserunt? nonne hi Siderum fuerunt Periti? nonne apud Romanos id ipsum præstitit Julius Cæsar, hæc Scientiâ probè imbutus, cum Flavio Scribâ, & Sosigene, eum in finem ex Ægypto accersito. Sed omnes utilitates hinc ordine recensere, quas uberrimè ad omnes ferè Artes Mechanicas, tam Civiles, quàm Militares, in Studium Physicum, totamque Philosophiam, partim etiam ad ipsam Theologiam adfert, non est hujus loci; in summâ, ut brevibus saltem dicam, habent, quod ex Astronomiæ fontibus hauriant; Agricolaë, Milites, Mercatores, Nautæ, Mechanici, Chronologi, Geographi, Hydrographi, Cosmographi, Philosophi, Medici, Jurisperiti, Politici, Theologi, Principes, Civesque, homines plerique omnes.

His igitur de causis adducti, ut non tantum à quibusdam seculis, sed ab ipso statim Mundi primordio, præcipua mortalium nomina, imò Capita, utpote Principes, Reges

ges, Imperatores, & Monarchæ omnem moverint lapidem, quò hanc Sublimem Sideralem Scientiam, curâ & cogitatione, ex ipsis tenebris primùm eruerent, deinde quoq; exornarent, locupletarent, atque ad feram seriò transferrent Posteritatem, ob ejus Præstantiam, jucunditatem, utilitatem, ac necessitatem; adeò ut ab omnibus, licet aliquali duntaxat lumine naturæ imbutis in summo semper honore ac pretio, tam ipsa Divina hæc Astrorum Scientia, quàm Ejus Repertores & Interpretes, præsertim præstantiores, qui præ cæteris, præclaro aliquo invento Eam ditaverint, habiti fuerint.

Rem Sideralem excoleret, promoveret.

Olim apud Gentem Asiaticam, cum primis apud Persas, nemo in Regem creabatur, nisi Magorum, hoc est, Astronomorum disciplinis imbutus esset. Simili modo Sinesium, qui Prudentiâ & Ingenio paucissimis Populis cedunt, mos est vetustissimus, ad hæc usque tempora sanctè conservatus, ut Scientiæ Astronomicæ imbutos, etiam ad summas præfecturas, & dignitates admittant. Quàm impenso amore, & honore, Europæi Principes, ac Reges Christiani, ut olim, sic & nunc eandem Scientiam habeant, & quàm Benignissimè & Liberalissimè ejus Cultores, veros videlicet Astronomos præ cæteris excellentiores assiduè excipiant, ex sequentibus patebit. Quinam autè isti opere ipso sint, ex Sapientissimi Platonis dictis sub finem Epinomidis, tum Cl. Crügeri, Præceptoris olim mei honoratissimi, super iisdem verbis, commentariolo, affatim est perspicuum: *Nempe necesse est (inquit Plato) verum Astronomum esse non eum, qui secundùm Hesiodum, omnesque hujusmodi occasum ortumque consideret (qui Calendaria, adhæc addit Crügerus, & alia secundùm Kepleri, aliorumque Ephemerides scribit) sed eum potius (pergit Plato) qui circuitus octo (nempe, addit Crügerus, Septem Planetarum & primi mobilis) & quomodo septem sub primo versentur, quove ordine circulos suos singuli peragant (hoc est, addit Crügerus, eum potius, qui Ephemeridum fundamenta intelligit.*

Ut Asiatici olim, sic & nunc Europæi Populi Astronomia verè Peritos in maximo habent honore.

Quisnam sit genuinus Astronomus ex mente Platonis & Crügeri.

Hujus generis Viri, inquam, per totam Europam, apud Principes, ac Reges plurimùm semper valuere, & haud mediocri dignati sunt honore: quorum Magnatum haud pauci

Quinam olim ex Principibus Christianis, præ aliis Astrorū Sci-

*Scientiam, e-
jusq; Culto-
res in deliciis
habere.*

pauci sanè extiterunt, qui hisce studiis impensè & favère, & maximo ardore etiam ipsimet excoluère: utpote Carolus Magnus, Fridericus II & III, Carolus V, Rudolphus II Imperatores; Alphonfus Hispanorum, Matthias Pannoniæ, Fridericus Daniæ Reges; Wilhelmus, Princeps Hassiæ, reliquos ut taceam quàm plurimos, qui incomparabili Gratiâ Siderum Scrutatores, ad Studia Astronomica excolenda, & restauranda foverunt, luculentissimâ Munificentia excitarunt, maximosque, & incredibiles sumptus in ipsas operas erogarunt.

*Et hoc nostro
ævo Maximi
Rerum Sider-
ralium inveni-
untur Mecœ-
nates, ac
Promotores.*

Verùm haud operæ pretium est, eos hîc prolixè recensere Evergetas, Promotores, ac Patronos, qui elapsis jam seculis extitère; sufficiat, hoc nostro ipso tempore, non solum qui jure iis æquiparandi, sed etiam longè sunt anteferendi, DE I Gratiâ, floreat: quorum Gloriæ, ac Heroicarum Virtutum Splendor, donec Sidera existent, nunquam in Mundo, præsertim apud Astronomiæ deditos evanescet. Et ut unicum aut alterum tantum ex eo ordine hujus ævi Maximum, & Incomparabilem Astronomicorum Studiorum Mecœnatem attingam: quàm Benignum, quàm Munificum Ludovicus XIV, Rex Christianissimus se præbet huic Siderali Scientiæ; quantâ Clementiâ, & Faventiâ dignatur Siderum Inspectores, & quidem non eos solummodò, qui Regno suo subsunt; sed etiam hinc inde alios, in angulo licet latitantes. Quàm Illustre Collegium ex Præstantissimis, & Eruditissimis hujus Seculi Viris, Astronomiæ bono, fundavit, ac liberalissimè Ei prospexit; quàm Splendidum, & Magnificum, optimis Organis diversissimi generis ditatum, & exornatum Uraniburgum, immensis sumptibus exstrui curavit.

*Inter quos
Ludovicus
XIV, Rex
Christianissi-
mus jure e-
minet.*

*Carolus II,
Rex Magnæ
Britanniæ
Studiorum
Cælestium
Maximus
quoq; Ever-
getes.*

Nec attinet prorsus silentio præterire Laudatissimum Regem Magnæ Britanniæ, Carolum II, qui Illustrissimam Nostram Societatem à se primùm gloriosè conditam, nunquam non Gratiâ, ac Protectione Suâ dignam judicat, nihil planè intermittens, quod ad honorem, & commodum, præcipuè Astronomicorum Studiorum vergere possit.

Ex his itaque satis evidenter evadit manifestum; cum omni memoria Eximii Meccœnates, Maximiq̄ue Fautores singulari propensione, ac voluntate erga Rem Astronomicam dediti extiterint, tum etiam idonea Subjecta in Mundo prodierint; utiq̄ue DEUM O. M., qui ista Immensa, ac maximè Admiranda Coelestia Corpora, statim initio Mundi, homini ad contemplandum in altissimo Æthere exposuit, porrò pro Suâ Infinitâ Misericordiâ prospecturum, quò hocce nostrum Sidereum Studium, in Divinissimi Sui Nominis Gloriam, maximumq̄ue totius humani generis commodum, plùs plusq̄ue excoli, & ad extremum Mundi terminum feliciter conservari non nequeat.

Ex quibus maximè eluceat, Deum velle Astronomicam Scientiam ad interitū Mundi usq̄ue conservare.

Magna nos etiam spes tenet, quin Omnipotens hujus voti nos compotes reddat; quippe qui nunquam non adeò Benignissimo oculo Scientiam hanc Sideralem respexit, ut ab ipso primordio vix seculum elapsum fuerit, quo DEUS, si non plures, saltem unum aut alterum virum habilem, ingenioq̄ue pollentem, pro illo studio promovendo Clementissimè nasci voluerit, maximo ipsis indito ardore, ut si amplius progredi non licuerit, saltem illud conservare optimis modis contenderint: imò nonnulli quandoq̄ue exorti sunt, quorum ingeniosis studiis, ac indefessis laboribus haud parùm illa Scientia Divina crevit, & asurrexit. Sic ut manifestissimè pateat, licet ejusmodi Præstantissimi Viri in magnâ frequentia ubivis locorum obviam se nobis minimè ferant, qui maximo conamine res illas tractent, ac suscipiant; nihilominus tamen aliqui minimùm omni tempore, modò ex his, modò illis Gentibus exoriuntur, quibus Arcana hæc Coelestia penitus introspicere, ampliusque detegere omninò curæ, cordiq̄ue est: prout Doctissimus Causinus in Procœmio Lib. de Domo DEI, rectè sentit: *Vix tamen permittit Deus esse nationes à cælo tam remotas, ut aliqui existant, qui arcanum non habeant cum Stellis commercium.*

Omni tempore Deus unum aut alterum Studii Astronomici Cultorem excitavit.

Modò in his, modò illis Regionibus, Stellarum exercetur Commercium.

Principiò quidem maxima pars horum virorum in Regionibus Orientalioribus extitit, utpote in Chaldæâ, Persiâ, Ægypto & Arabiâ; ubi quoq̄ue prima Astronomia jacta fuerunt fundamenta; postea verò successu temporis,

Ubinam Astronomia primò us fuerit exculta; & quomodo ad

*ad alios atq;
alios migra-
verit Popu-
los.*

*et in
-m bñ
-not
-m bñ*

*Astatis
Gentibus,
tanquam pri-
mis Sideralis
Scientia Re-
pertoribus o-
mnino debe-
tur laurea;
sed quibus ve-
vera, sub ju-
dice adhuc lis
est.*

*A primo
statim mun-
di primordio,
homines A-
stronomia o-
peram dedis-
se, existimat
auctor.*

*Omnes ho-
mines natu-
rali propen-
sione inbiant
Scientiis.*

(velut in toto hoc Mundo res suas habent vices, maximisq; mutationibus sunt obnoxia) in Græciâ plurimi sunt excitati; hinc in Italiam, Germaniam, Galliam & Angliam migrarunt; & denique etiam apud Populos Borialiores, in Daniâ videlicet ac Prusfiâ aliqui sedem fixerunt. Et quemadmodum apud Asiaticos hæc Astronomica Scientia paullatim defloruit; sic rursus apud Europæos vigescere incepit, ac successivè mirum in modum crevit: sicut ex dicendis clariùs patebit.

Gloriam autem libentissimo animo Gentibus Orientalibus concedimus, quod primi omnium extiterint Astronomiæ Repertores, ac Commentatores; verum quibus ex istis Populis, cum plurimi ad Orientem resederint, præcipuus debeatur honos, & quo loco reverà ea Scientia originem traxerit, tum quisnam Inventorum fuerit antesignanus, adhuc disceptatur. Extra quidem controversiam est, Scientiam Rerum Astronomicarum cum primis hominibus ortum suum duxisse. Fieri enim vix potuit, quod illa splendida Cœli Corpora, quorum alia ferè in diem, imò horam, adeo evidentes vicissitudines exhibent, utpote Luna suo incremento & decremento, Sidera circa ortum & occasum, quoad motum tum diurnum, tum annum, item deliquia Luminarium, modo colore, modo quantitate & duratione longè diversissima, oculos mentesque hominum, cujuscunque etiam fuerint nationis, etiam primo intuitu, multò maximè non perstrinxerint, in admirationem protraxerint, nec non ad cultum Supremi Numinis, harum rerum omnium Directoris, etiam quosvis stupidissimos validissimè inflammaverint. Nec ullum est dubium, quin etiam nonnulli cordatiores, & præ cœteris singulari sapientiâ præditi ab istis miris Cœli phænomenis, partim novitate rei perculsi, partim etiam ex insitâ illâ naturali inclinatione, quâ mens humana ad Scientias propendet, maximo perè excitati fuerint, ad ea magis magisque rimanda, atque exploranda. Namque DEUS, ut homines omnes cupientes, & capaces fecit Scientiarum, sic naturâ trahuntur, & ducuntur ad Scientiæ cupiditatem.

Num

Num autem Sethi Filii Nepotesque, nullâ morâ interpositâ, Uraniam colere inceperint, ejusque pomeria protinûs dilataverint, Josepho Auctore? & utrûm Abraham primus extiterit, qui hanc Scientiam Ægyptiis tradidit? an verò Josephus, Abrahami pronepos Eam ab Ægyptiis acceperit? an hic ab illis Illam didicerit? in Sacris literis ne quidem vestigium invenimus; atque sic sub iudice adhuc lis est. Tempore tamen Moyſis anno circiter ante Christum 1550 vel paullo etiam citius, Judæorum scilicet & Jobi temporibus, jam ex parte Sideralem Scientiam innotuisse, etiam Chaldæis & Babyloniiis non omninò incognitam fuisse, ex Prophetis ipsis quidem fatis superque liquet; sed quo anno, quove loco, si rem scrupulosius aliquantò desideremus, Divina Cœlestium Cognitio sua genuina cœperit primordia, planè nescitur.

Quisnam ex Patriarchis Sideralis Scientia primus fuerit Detector.

Moyſis & Jobi temporibus, Siderium Astronomicum haud amplius latuisse certum est.

Quicquid tamen sit, mihi quidem non adeò alienum à veritate esse videtur; Studia Astronomica non tantùm Noæ temporibus, sed fortassis etiam aliquantò adhuc citius, ante videlicet Diluvium partim jam detecta fuisse. Quandoquidem ipsis quoque Patriarchis Annus & Menses benè innotuerunt. Nec multùm abest, quin persuasum cum quibusdam habeam, ipsum Adamum priorem extitisse omnium, qui cum Filiis, Nepotibusque suis de istis Arcanis haud parùm disseruerit. Nam, cum primulus extiterit mortalium, qui magna illa Cœli Luminaria adspexerit, & quidem longè majori naturæ lumine, quàm ullus subsequentium, imbutus; utique credibile est, ab harum sublimium Rerum Contemplationibus mirificè eum fuisse accensum, & tot continuis seculis, quibus vixit, sine omnidubio plurima ex Astris deprehendisse, eaque prolixissimè, tanquam DEI maxima Miracula, Prognatos suos haud leviusculis commentariis docuisse; quò sic aliquantò paulatim successu temporis ad penitiorem harum rerum cognitionem, magis magisque scrutando, ac prioribus vestigiis insistendo, haud difficulter pervenire potuerint.

Etiã ante Diluvium dicta Scientia jam parte sua cognita.

Auctor sibi penè persuadet, Adamum fuisse primùm Rerum Cœlestium Contemplatorem.

A quibus deinde, post videlicet Diluvium, ad plures diversos Populos dubiò procul hæc Venerabilis Scientia emanavit,

Post Diluvium Divina hæc

*hæc Scientia
ad diversos
transiit Po-
pulos.*

*Quinam ex
Ethnicis pri-
mi fuerint Si-
derum Obser-
vatores.*

*Chaldaos & E-
gyptiis fuisse
quidem prio-
res in Scientiâ
Siderâ; sed
eâ protinus in
Astrologiam
divinatricem
commutarunt.*

*Alii primam
cognitionem Re-
rum Astrono-
micarum E-
gyptiis relin-
quunt.*

navit, qui conjunctim deinceps Ei operam navarunt, Observationibusque invigilarunt. Inter Ethnicos autem quinam fuerint omnino priores, an Chaldæi, an verò Ægyptii? non adeò promptum est, ob Historiarum defectum, dijudicare. Rationi tamen magis videtur esse consentaneum, etiam ex ipsis Observationibus proclivius demonstratu, Scientiam hanc Sideralem, veluti primum ex Asiâ, à Patriarchis, ita quoque omnium primò ad Chaldæos, Asfyrios & Babylonios profluxisse. Utrum autem prorsus in Abrahamum, vel ejus Patrem Thare (qui, ut Philo vult, harum rerum jam benè gnarus extitit) dicta Scientia primitus ceciderit; an verò ad alios quoque Chaldæos simul transierit? non ausim adeò certò affirmare; posterius tamen magis amplectendum esse censeo: id quod Chaldæorum Observationibus 330 ferè annis ante Abrahami tempora peractis haud difficulter corroborari potest: dummodò Historiis temporumque rationibus tutò insistere queamus: de quibus autem mox plenius.

Omnino igitur statuendum, hanc gloriam Chaldæis referendam esse, quòd citius, quàm reliquæ Gentes Astronomiam coluerint; sed eam protinus in Astrologiam, Artemque divinandi & futura prædicendi commutarunt. Nam quicquid notitiæ tam Ægyptii, quàm Chaldæi habuere de Sideribus, id ad Astromantiam totum retulere, atque idcirco apud illos non Astronomia germana, quàm spuria, hoc est, Astrologia divinatricis viguit: ut rectè loquitur Gasfendus in præfatione ad vitam Tycho- nis. Ut plurimum enim pro Genethliacis habiti fuerunt, qui cum Magicis Artibus commercium habebant: unde conjicere licet, vel parùm admodum de verâ Scientiâ Siderali, quæ Coelestium Corporum motum, distantiam, magnitudinem, hujusque generis alia contemplatur ac rimatur, fuisse sollicitos.

Inveniuntur quidè alii, qui primam Astronomiæ inventionem Ægyptiis attribuant; ex eo quòd Babylonia Ægyptiorum fuerit Colonia: ut vult Diodorus Siculus. Verum si lis hæc dirimi debeat ex ipsis Observationibus, ab utraq; Gente habitis, palma sanè Chaldæis & Babylonii debetur.

Et-

Etenim Ægyptiorum Observata ferè nulla ante Alexandri Magni tempora (nisi fortè perierint) extiterunt; atverò Chaldæi, & Babylonii, Observationes habuerunt ab annis 1993 ad usque Babylonem ab Alexandro captam, ut Callisthenes, cum Babylone ageret, ad Aristotelem perscripsit, & à Porphyrio relatum est. Coepissent igitur observare initio Asfyriorum Monarchiæ, imò statim ab ipso Diluvio, in annum ante Christum 2298 ferè incidente; atque ita ipsæ Observationes anno A. C. 2334 principium ducerent; si res solido fundamento niteretur.

Quo tempore Ægyptiis inceperint observare.

Chaldæi multo citius Observationes instituerunt.

Quanquam Eclipses Chaldæorum à Ptolomæo annotatæ, non ultra annum A. C. 718, ad annum videlicet secundum Mardocempadi, & tempora Ezechielis Prophetæ procedunt: id quod etiam Plinius corroborare videtur, dum inquit: Epiginem non antiquiores, apud Babylonios, reperisse Observationes, quàm septingentorum viginti annorum coctilibus laterculis inscriptas.

Quando Eclipses inceperint observare Chaldæi

Si igitur Observationibus, & Historiis unice insistendum, ut etiam meritò debet, possent alii Asiatici populi primatum hunc Chaldæorum in controversiam vocare; Chineses nimirum: qui non solum inter Vetustissimos jure numerantur, sed etiam Rei Astronomicæ notitiam jam à benè multis habuere annis. Auctor est Martinius in præfatione Atlantis Sinensis: *Mathematicas Scientias antiquissimas fuisse apud Sinas ferunt, quod & antiquissimæ Siderum Observationes abundè ostendunt; sed quales fuere, & quo tempore peractæ fuerint, non meminit ibidem, verum tantummodo, quòd literas, atque Historiam habuere à ter mille annis ante Christum natum, à tempore Henochii, ab anno videlicet Periodi Julianæ 1712. Num autem etiam ab eo jam tempore Observationes habuerint, ex dictis haud adeò certò conjicere licet. Hoc tamen liquidissimum est, ut clarè innuit modò citatus Martinius p. 62 Atl. Chin: nimirum Magnum Chinesium Mathematicum jam tempore Samuelis prophetæ, anno scilicet ante Christum 1120 Observationibus operam dedisse: In eâ (civitate nempe Tengfang) spectatur (inquit) etiamnum ingens regula supra aeneum planum*

Chineses longè adhuc citius Chaldæis, Sidera observasse probatur.

Samuelis Prophetæ tempore jam Rebus cælestibus invigilavit Cheucungus Astronomus Chinesis.

Ubi, quibus Instrumentis, & qualia observaverit.

ad perpendicularum erecta, in certas divisa partes, uti & in ipsa plani superficie linea extensa in suas etiam partes distributa, quo Instrumento Cheucungus, magnus ille apud Sinas Astrologus & Mathematicus, summusque totius olim Imperii præfectus umbram Meridianam observabat, atque inde altitudinem Poli, cæteraque, quæ ex ea colligi possunt, venabatur. Vixit is ante Christum natum annis mille centum & viginti, ibidem visitur turris, in quâ solitus Syderum notare cursus ac conversiones, dicta Quonsing tai, hoc est, aspiciendorum Syderum turris.

Chinenses jã
anno A. C.
1120. haud
levia in A-
stronomiã
peregerunt.

Atque hæc abundè ostendunt, Chinenses jam anno A. C. 1120, non tantum rudiores Sideralis Scientiæ cognitionem habuisse, sed etiam plurima haud leviuscula jam penetrasse. Cum Instrumenta non adeò inepta, ad Observationes Cœlestes adhibuerint, ad altitudinem scilicet Solis Meridianam, Poli que Elevationem explorandam. Id quod sanè vix quisquam mihi facile persuaderet: hosce nimirum populos, tam longo temporis intervallo, priusquam Chaldæis Ægyptiisque hæc de re quicquam (quantum memoriæ proditum est) innotuerit, tantos in Astronomicis jam fecisse progressus, etiam ipsam eandem turrim, cum eo ipso Instrumento, quo Cheucungus ad Astra usus est, ad hæc usque tempora integra ac salva conservari, nisi evidentibus argumentis, vix contextis & cerebro fictis, ea omnia evincerentur. Constat enim ex Chinensium Historiis, quas præ omnibus aliis populis in hunc usque diem possident vetustissimas, eos antiquissimis vetustate documentis gaudere, Observationesque longè vetustiores, quam ulli reliquarum Gentium posse producere: quemadmodum Martinius in Suâ Historiâ Sinicâ pag. 15 sanctè confirmare videtur: nempe sub Imperatore Tertio Hoangtio, anno ante Christum 2697, eo ferè tempore, quo Enoch mortuus, vivente adhuc Methusalah, anno videlicet Periodi Julianæ 962, Tanaus (Imperatoris Præfectus) cyclum Solis (sexaginta annorum) quo Sinæ in hunc etiamnum diem utuntur, perfecit anno ante vulgarem Christi Epocham bis millesimo sexcentesimo septuagesimo cycli primi, ut & hujus Imperatoris vigesimo octavo. Alter (Præfectus) Yumchinius polum & stellas illi proprias primus observavit, & Instrumento quoque, cujus formam Scriptores non tradunt, sphae-

Chinenses
præ omnibus
aliis Gentibus
Historias ha-
bent vetustis-
simas.

Anno ante
C. 2697 Chi-
nenses Cyclum
Solis, Polym,
Sphaeram, a-
liaque pluri-
ma detege-
runt.

râ utique Cœli orbem representante Cœlestis Orbis figuram imitatus est; multa præterea usu expertus, è quibus aeris ac Cœli inferioris mutationes deprehendi queant. Rursus sub Quinto Imperatore Chuenttious anno ante Christum bis millesimo quingentesimo decimo tertio, Periodi verò Julianæ millesimo ducentesimo quadragesimo octavo, eodem penè anno, quo Adam mortuus, juxta nostrum calculum pag. 21 meminit dictus Auctor: Tradunt ab eo (Imperatore scilicet) Calendarium toto Regno publicatum receptumque. Scripsit etiam Ephemerides quinque Planetarum, quos dum imperabat, omnes in Cœlo conjunctos vidit eo die, quo est observata Solis & Lunæ conjunctio. Et hunc diem primum illius anni esse voluit, prout Author Sinicarum rerum in Constellatione XE dictâ indicat; quæ nunc circa gradum decimum octavum Piscium incipiens, ad quartum usque Arietis extenditur. Pergit: fortassis hæc est illa Planetarum celebris in uno Signo conjunctio, quam asserunt Europæi Chronologi Noëtica ætate fuisse. Quid ad hæc illi, qui annos retro pauciores ad Diluvium Noëticum numerant, dicturi sint, nescio etc: Ajo tamen hanc omnino primam esse stellarum Observationem, de quâ quidem conveniat inter auctores. Quid ad hæc Europæi nostri? ego sanctè assevero, me in Historiâ Sinicâ, de quâ dixi, Observationem in istius Imperatoris actis invenisse: hæc ille.

De Septimo Chinesium Imperatore Yaus vivente, anno ante Christum bis millesimo trecentesimo quinquagesimo septimo, sexagesimo videlicet ante Diluvium, Noë tempore, secundum nostrum computum, refert idem Martinius pag. 25 Hist. Sinic: Siderum contemplatione se cumprimis oblectans, anni dimensionem nonnullis erroribus obnoxiam restituit; mensem quoque intercalarem & abundantem ad debitum ordinem redegit. Ad quod efficiendum duorum virorum operâ usus est, & in eâ facultate præstantium; quorum unus Hius, alter Hous nominabatur. Hos ad assiduum magni Cœli venerationem cohortatus, jusfit varia ad Mathefin opportuna Instrumenta conficere; Lunæ quoque stellarumque motus diligenter observare; agriculturæ ritè exercendæ præcepta inde ad vulgi usum eruerre; ac demum summâ accuratone hiemale Solstitium notare. Intererat enim illam Solis conversionem à Rege non ignorari, quod eo die cuncta officia ministris distribuere consuesset: etc: Ut verò ad Solstitium (pergit) redeamus, ajunt Sinici Scriptores, illud iis temporibus circa primum gra-

Paullo post
Adamū Chi-
nenses jam
Calendarium
& Ephemerides
habuerūt.

Quo anno
Chinenses om-
nes Plane-
tas, in uno eo-
demq; Signo
cōjunctos vi-
derint.

Diluvium,
juxta Chinen-
ses, longè ci-
tius incidit.

Annum &
Menses, jam
Noë tēpore,
si credendum
Chinensibus,
restituerunt
Hius & Ho-
us.

Eodem tem-
pore Instru-
mētis Lunarū
Stellasq; di-
mensi sunt.

Solstitium
Brumale quâ
parte

parte Cæli iu-
tū à Chinen-
sibus fuerit ob-
servatorum.

Varia Sol-
stitiorū quan-
ta jam fuerit
deprehensa à
Chinensibus
año post Chri-
stum 1005.

dum Constellationis Hiu observatum, quæ modò initium circa decimum octavum gradum Aquarii sumit. Quæ ratio si est approbanda, Solstitium ultra quadraginta & octo gradus ab ortu suo interea deflexisse necessum. Certè quidam ex iis, qui librum Xuking interpretati sunt, affirmare non dubitat, imperante Chincungo è Sungæ familiâ, anno post Christum natum millesimo quinto Solstitium à superiori Observatione jam quadraginta duobus gradibus ab annis ter mille trecentis quadraginta duobus mutasse. Prima enim illius Observatio fuit annis ante Christum bis mille trecentis triginta septem.

Eclipsin Solis
notabilem an-
no A. C. ferè
2150 obser-
varunt Chi-
nenses.

Denique ipse auctor quoque annotat, sub Quarto Imperatore Familiæ Hiaæ Chumkango, anno ante Christum bis millesimo centesimo quinquagesimo octavo, & centesimo ferè anno post Diluvium, memorabilem Eclipsin accidisse, dum Sol Sidus aut constellationem FANG dictam obtineret, quæ nunc temporis circa vigesimum octavum gradum Scorpii est. Eam quòd Astrologi Regii per incuriam non prædixerant, morte multati sunt. Annum hujus Eclipsis non eundem apud omnes reperio. Alii asserunt eam altero anno hujus Imperatoris ante Christum bis millesimo centesimo quinquagesimo octavo contigisse; alii in sextum ejusdem annum referunt, qui foret ante Christum bis millesimus centesimus quinquagesimus quartus.

Chinensium
annotata non
omnino rejici-
enda esse vi-
dentur.

Chinenses lon-
gè vetustiores
Observatio-
nes, quàm E-
gyptii & Chal-
dæi proferunt.

Cum qua-
dringentis fe-
rè

Enimverò, hæc inter luculentiora merito referuntur testimonia, nisi quis omnia commenta esse dixerit, Historiamque Chinensium omnem penitus rejecerit. Quamquam, meâ opinione, ea omninò repudiari vix possunt, quæ tempora, Auctorum nomina, multa singularia, Observationesque ipsas referunt; cum primis non videntur esse de nihilo, quæ de utroque Solstitio Brumali observato, deque intervallo inter utrumque Solstitium elapso est annotatum. In summâ, ex modò citatis clarè elucet, Chinenses omnium Asiaticarum Gentium multò evidentiora documenta, Observationesque longè vetustiores in medium adducere, etiam quàm ipsi Ægyptii, & Chaldæi. Etenim jam anno bis millesimo quingentesimo decimo tertio ante Christum, universorum Erronum Synodum, sub decesum ferè Adami deprehenderunt, nec non Calendaria, ac Ephemerides construxerunt. Adhæc ante bis, vel ter mille annos ante natum Christum jam Organis Solstitia, motum Plane-

Planetarum, Altitudinesq; Poli observarunt, & hujus generis alia. Imò posito, Callisthenis relationem esse certam, Chaldaeos scilicet ab annis mille nongentis nonaginta tribus ad tempora usque Alexandri Observationes habuisse; nihilo tamen minus isti Chineses quadringentis annis prope modum citius, si fides illorum Historiis est adhibenda, Observationibus operam dederunt: sic ut optimo jure, inter omnes Gentiles Chinesibus laurea debeat.

re annis, Chineses cuius Astris invigilaverint, merito his Populis debeat prima gloria.

Verum satis admirari nequeo, cum dicti Chineses jam à tot ac tot mille annis haud adeò leviusculam Rerum Astronomicarum notitiam, tum notabiles Observationes habuerint, easque etiam hucusque probè conservaverint, adjectis plurimis aliis assidue ex ipso Caelo deductis, qui factum fuerit, quòd non longè majores, quàm nostri Europæi, in eà Scientiâ fecerint progressus: ut ut Europæi de illorum vetustissimis Observationibus, quantum sciam, nil quicquam hactenus, sed tantum paucissima quædam Babyloniorum & Hipparchi Observata obtinuerint, exceptis iis, quæ proximis elapsis quibusdam seculis, indefesso studio sibimet ipsis compararunt.

Europæi etiâ si destituti fuerint illis vetustissimis Observationibus, longè tamen in hâc Scientiâ Astronomicâ Chineses nunquam superant.

Sed nimis hæc multa de iis; sufficiat, abundè esse ostensum, Scientiam Sideream ab Asiaticis, præsertim Chinesibus primam suam duxisse originem; qui tamen sine dubio non à se ipsis, sed à Noâ, vel Primis Patriarchis eam hauserunt. Cum liquidum sit ex superioribus, quòd Chinesium Observationes, in tempora Primorum Patriarcharum incidere videantur. Quomodo autem hæc cum Chronologiâ nostrâ convenient, quæ annos pauciores etiam inter ipsum Diluvium statuit, relinquo Theologis, ac Chronologis dirimendum; mihi hæc vice nihil ampliùs incumbit, quàm breviter ostendere, quinam præcipuè inter Gentiles, meâ solùm opinione, Divinæ Astronomiæ primi fuerint Repertores, & Fundatores. Nunc ulterius progrediendo speciatim inquiramus in ipsos primos Auctores, quoad Historiæ permittent, quinam nimirum illi fuerint? quidnam alius præ alio hæc in Arte invenerit, & præstiterit? tum quomodo Scientiam Sideralem de die in diem plùs plùsque

A quibus Chineses didicerint Res Cælestes.

Computû annorû inter Diluvium, Theologis & Chronologis relinquit auctor.

Quisnâ inter Gentiles primus fuerit Astronomia Detector, & quomodo successivè creverit Scientia.

*Nihil ab ini-
tuo absolutū.*

*Studium Si-
dereū succes-
su temporis
redditur per-
fectius.*

*Recentiores
in Scientiā
Astronomicā
promovendā
Antiquioribus
multo semper
sunt felicio-
res.*

*Abstrusissi-
ma res non-
nisi lentē &
paullatim de-
sequuntur.*

*Germani Si-
derum Me-
tatores omni
tempore pau-
cissimi exti-
terunt.*

*Quare in
majori fre-
quentiā A-
stronomia
Periti non in-
veniuntur.*

emendaverint, promoverint, atque excoluerint. Facile enim colligitur, Astronomiam haud protinūs ab ipso exordio, ad eam perfectionem potuisse pervenire, ad quam quidem tractu diuturnioris temporis, multo labore studioque indefesso, paullatim fuit perducta. Nam, *nulla res consummata cum incipit*, loquente Senecā; & usu, atque exercitatione hominibus Ars, atque Scientia comparatur. Adhuc quicquid in toto extat Mundo, habet suum principium, & progressum. Sic quoque nostra Studia Coelestia possunt utique progressu ævi absolutiora reddi, si non cesnaverit Posteritatis diligentia. Quippe plurima multis primū elapsis annis, imō seculis cognoscuntur, & deprehenduntur, quæ antea prorsus in occulto latebant, & exploratu videbantur impossibilia. Unde etiam accidit, quod Laudatissimi Astronomi Veteres, licet pari ingenio, ac industriam tentaverint, eò usque progredi, quam quidem Recentiores nunquam potuerint: qui omni tempore multo illis feliciores in rebus Uranicis detegendis, & excolendis extiterunt; ut clarius ex dicendis patebit. Arduæ enim res, multiq̄ue laboris, ac operæ, lentissimo procedunt gradu, nodumque maximā cum difficultate solubilem habent. Quippe, *non viribus*, ut scitè Cicero de Senectute loquitur, *aut velocitate corporum res magnæ geruntur*. Et natura nihil citò magnum fieri voluit, sed pulcherrimo cuique operi difficultatem proposuit, quæ labore, & exercitatione vinceretur.

Ut autem ad ipsos Coeli Interpretes in specie deveniamus, sciendum est, eorum, qui hanc in parte præ cæteris aliquid egregii, & sublimis conati sunt, fastigiumque operi imposuerunt, ab ipsa origine hucusque haud fuisse adeò numerosam cohortem; sed profectò rarissimi extiterunt: quemadmodum Tycho ipse in Epist. Astron. pag. 257, his verbis mihi adstipulatur: *quorum perpauci sunt, etiam inter eos, qui Astronomi haberi velint hoc ævo (quòd dolendum) reperiuntur*. De quo autem non est, quòd mireris, Benevole Lector. Nam etsi hocce Studium inter præstantissima, jucundissima, & utilissima meritò reponatur; attamen maximas suas quoque habet difficultates, magnique laboris, ac operæ est,

est, quin-etiam sumptus haud mediocres sibi poscit. Hisce de causis paucissimi curam harum rerum suscipientes comparent. Eo præprimis attento, quod parum admodum, hoc nostro ævo, ad victum & amictum contribuatur; vel prout Cl. Crügerus loqui solebat; quod istius Scientiæ fumarium parum fumet. Astrologi quidem, & Genethliaci, sive alii plurimi Res Astronomicas perpetuo in ore habentes, de iis prolixè disceptantes, ac scribentes, sub fornacem nimirum calculos ponentes, aliorumque Præstantium Virorum Tabulas, librosque pervolutantes, ubique in magno numero obviam eunt; verum aliquid solidi ex ipso æthere, etiam cum maximo sanitatis, facultatisque (cujus hocce tempore magna gerenda est cura) dispendio, diu noctuque haurientes, grande illud Cœli volumen assidue revolventes, singulasque siderales paginas enixâ operâ contemplantes, animadvertentes, & perquirentes, vix paucissimi, ubicunque eos etiam quæras, prædeunt. Proinde Eximius P. Gasendus, Philosophus & Astronomus haud vulgaris, Amicus olim noster summus, in Exercit. Epist. contra Fluddum pag. 277 rectè ait: *At mi Merfenne, dici non potest, quàm paucos sui dignos ducat immortalis Vranie. Judicarios quidem ubique Astrologos videas: videas qui scite motuum Tabulas, Ephemeridesque texant, aut versent: denique videas, qui Sphæris, Armillis, Astrolabiis, Quadrantulis, aliisque id genus minutulis organulis, quasi cimeliis delectentur; sed, qui graviores illas curas (utpote Observationes Corporum omnium Cœlestium) digne suscipiant, vix totidem sunt, quot Thebarum Portæ, vel Ostia Nili. Et mirere, si quod tam pauci, sed ipsa tamen ἀὐτοψία periti Cœlestium, de Cœlestibus Corporibus docent habeatur vulgo in Paradoxis: cum sit numerus innumerus eorum, qui Cœlestia loquuntur, aut scribunt; & omnes tamen non ex ipso Cœlo, sed ex proprio cerebro opiniones comminiscantur? etc. Legendus est Liber ipse naturæ (addit idem Auctor paullo post) si quidpiam certi addiscendum est; floccifaciendi, qui caprilneas, technicasque decertationes studium esse naturæ putant: hæc ille.*

Sed concessio, unus alterve hinc inde reperiatur; non tamen omnibus, & singulis datur protinùs adire Corynthum. Quandoquidem rarò aliquis, quoad ingenium,

Genethliaci ubiq; plurimi existunt, sed rarò vix unus aut alter Siderrum Inspector & Dimensor.

Plurimi Tabulas Ephemeridesque condunt, pervoluntque, tum de rebus Cœlestibus loquuntur, sed paucissimi ipsum Siderrum meorum scribantur.

Non omnia Ingenium ad Studia Cœlestia aptum est.

Quibus ingenii corporisq; dotibus Astronomus debeat esse instructus.

Siderū Scrutator his virtutibus præditus, potest cum Dco aliquid præstare.

Sub frontispicio hujus Machinae Cœlestis, & Astronomi adumbrare voluit auctor, tum quomodo diæta Scientia fuerit excolta, stabilita, & conservata.

Explicatio frontispicii hujus Libri.

animumque, ad Res Astronomicas tractandas sculptus, sive factus est. Nam studia hæc Cœlestia non solum Acutissimum, Sagacissimum, & quidem Mechanicum Ingenium, hominemque mente manuque valentem efflagitant; sed etiam, qui firmam valetudine, & compacto gaudeat corpore; præprimis, qui acie oculorum polleat, ad res minimas tum eminens, tum cominus optimè discernendas; insuper, qui nulli labori parcat, nullamque operam sive diu, noctuque, sive aestu, sive gelu suscipiendam vereatur; cui largæ sint facultates, unde possit sumptus depromere necessarios, vel saltem, qui Mecœnatem habeat Munificentissimum, idoneam ac sufficientem suppellectilem ad quævis suppeditantem; & denique, qui tenax sit propositi, & constans voluntatis, semel suscepta studia ad mortem usque, viresque permittant, continuandi, & promovendi. Talis, inquam, hanc raram adeptus felicitatem, potest, successu temporis, quædam laude digna expedire, quæ aliquando in Siderum Creatoris Honorem, ac Divinæ Scientiæ incrementum, Ejusque perpetuam cedere possunt conservationem.

Has qualitates, quas sibi Urania à Suis Cultoribus omnino expetit, & quibus virtutibus debeant esse à natura dotati; adhæc quomodo hæc sublimia studia magno cum fructu rectè institui, promoveri, & ad Posteritatem feliciter propagari queant: deinde quinam isti fuerint, qui his præclaris animi corporisque dotibus, præ multis aliis à DEO fuerint præditi, ac primarii Principes, hujus scilicet Regni Siderei extiterint? denique quâ viâ Machina illa Astronomiæ, quove labore, industriâ, ardore, tum quibus sumptibus fuerit fundata, exstructa, exornata, nec non quâ ratione dignitas, decusque ejus perpetuò conservari, & ab omni interitu vindicari non nequeat? placuit mihi quandantenus in ipso frontispicio hujus libri, tam emblematicè, quàm hieroglyphicè, figuris quibusdam adumbrare, atque sub adspectum cujusvis ponere.

Initiò, ad lævam, Obeliscus Laureâ atque Stellâ coronatus se se offert, Scientiam quasi Astronomicam referens; vel si mavis, instar Monumenti est, cum certâ inscriptione,

in

in honorem, perpetuamque Scientiæ memoriam, à Laudatissimis nostris Prædecessoribus erecti, quod Posteris sanctè conservandum fideliter commendant: quò omnibus viribus videlicet incumbant, ne Machina hæc splendidissima à semetipsis tanto labore, tantâ diligentia, tantisque impendiis, in DEI Gloriam, hominumque commodum, post tot demum secula exstructa, labem vel vitium ullo modo contrahat, multò minùs tota collabascet. Et ut eò feliciùs impofterum opus succederet, visum fuit Patribus certis quibusdam emblematis obelisco adscriptis indicare, quomodo illi, qui operam Astronomia navare satagunt, à naturâ debeant omninò esse comparati.

Primum emblemata, ascendendo, Cranium hominis, cum inscriptione, *Acutissimo*, exhibet: ac si dicerent, verus

Astronomis acerrimum ingenium, mentemque sublimiorem habeat, ad res abstrusiores promptè percipiendas, funditus explorandas, ac penetrandas. Secundum emblemata

in ordine, Oculum refert, additâ hæc voce *Lynceo*, nimirum Siderum iste Seruator, ut sit ingeniosus, sic etiam visu polleat, siue Oculos habeat lynceos, ad quævis minutissima ritè distinguenda, nec non ad Observationes maxime aptos. Tertium Emblemata, aratrum gerit, cum inscriptione,

Indefesso, videlicet labore. Coeli enim Metator nullum subterfugiat laborem, instar aratoris sit indefessus agendo. Namque non tantum ingenio, mente, oculisque; verum etiam corpore, imprimis manibus, omnibusque viribus ipsi est sudandum, in rebus organicis inveniendis, iisque, si eò usque progredi datur, suo Marte elaborandis, dividendis, examinandis, atque Observationibus peragendis, conscribendis, adumbrandis, ariqué incidendis.

Quarto Emblemata, Cor adscriptum est, hæc vocula, *Constantissimo*, nempe animo. Oportet enim Astronomus ut sit perseverantissimus, cursumque constantissimè tenens in suis contemplationibus, Observationibus, studiisque sit minimè pertæsus, diu noctuque, rerum omnium, divino

Requisita
Studi Astro-
nomici per
Emblemata
deteguntur.

In Astrono-
nomo quanã
requirantur.

Judicium.

Acutissimi
Oculi.

Labor inde-
fessus.

Constantia.

auxilio, ex ipso Cœlo deductarum, ingeniosè & laboriosè exploratarum, etiam ad ipsum usum, effectumque deducendarum; nec se patiatur, sive fastidio difficultatum, sive diuturnitate laborum frangi, neque metu consumendæ valetudinis, & sumptuum impendendorum ab isto negotio se divelli, seu deterreri; neque ullis illecebris, cupiditatum lenociniis, aut amicorum suavissimis sodalitiis, quando rarissima maximeque notatu digna, quorum Astronomiæ plurimum interest, phænomena occurrant, se ullâ ratione ab istis studiis avocari sinat; sed assidue, in semel suo laudabili suscepto, cum DEO, opere, firmissimo animo, & perseverantissimâ voluntate pergat, & semitam illam semel arreptam nunquam deserat, sed potius in eâ alacriter progrediendo totam consumat ætatem. Quintò; ad cuspidem Pyramidis legitur, *Investigantur*, scilicet Astra; quæ stella illa in summitate Obelisci laureâ cincta exprimit. Non secus, ac si Honoratissimi Antecessores nobis ad animum revocare cupiant: quòd, quemadmodum Scientia Sideralis acutissimo ingenio, lynceo oculo, indefesso labore, & constantissimo animo condita sit, atque exculta; ita quoque à Posteris haud diversâ ratione salva & integra conservari, nec non ulterius exornari, adaugeri possit: quò sic de manu quasi in manum nullo non tempore auctior, ac splendidior tradi non nequeat Posteritati.

Veterum Astronomorum egregia adhortatio; quâ Posteritatem ad studiū Astronomicum magis magisque excolendum excitare voluerunt.

Ut autem majori id ardore & solitudine, cum à nobis, tum à Filiis nostris suscipiatur, voluerunt Laudati Antiquiores calcaria quasi nobis admove, Inscriptione aliquâ Obelisci stylobatæ incisâ; quam nobis instar Testamenti, ex optimâ Eorum erga Successores voluntate reliquerunt, his nimirum verbis: *In DEI O. M. Gloriam, Reiꝰ Literariæ incrementum, summis ingenii, corporisqꝰ viribus, sumptuqꝰ incredibili, à multis retrò seculis, quàm solidè fundatum, tam feliciter exstructum hocce Sideralis Scientiæ Monumentum, Filiis, Nepotibusqꝰ sanctè porrò conservan-*

servandum, ampliusq; exornandum relinquunt Patres.

Coeterum, id quod Emblematis Pyramidi adscriptis, id pariter quasi in æthere, & quidem hieroglyphicè illustrare volumus; nimirum: quomodo Diva Urania excipi, tractari, ac provehi debeat, ad feliciorum Cœlestium Studiorum successum commode obtinendum.

*Quomodo
Astronomia
feliciter pro-
vehi possit,
hieroglyphicè
Auctor ex-
ponit.*

Atque ita Currus, (Studium videlicet Astronomicum referens) quem spectas, Benigne Lector, ab ipsâ Ingeniosissimâ Mechanicâ, adjuvantibus Præclarissimâ Opticâ, ac Præstantissimâ Picturâ, nec non Dignissimâ Cælaturâ, depictus, sculptus, totusque artificiosè, & nitidissimè elaboratus est.

*Plurima Ar-
tes Scientiæq;
sapius Astro-
nomia veni-
unt ab auxi-
liis.*

Huic fulgenti currui, & quidem eminentiori loco confidet ipsa Astronomia; in capite Stellam; in manibus verò Solem, Lunamque gerens, induta veste multi-
genis Asterismis, plurimisque stellulis arte variatâ, atque exornatâ.

Quò primo intuitu statim cuique pateat, quònam Illa præcipuè spectet, ac quibusnam occupetur. Hicce autem currus mirâ arte confectus, sive Scientia Siderea Ei insidens, ægrè admodum loco movetur, nedum facilimè nudis manibus promovetur. Proinde diversa animalia, & quidem præ aliis alacriora, & valentiora requiruntur, quò opus hocce ex voto ac procliviter nullo non tempore succedat.

*Studium A-
stronomicum ab
ignaro planè
aliarum Sci-
entiarum Ar-
tiumq; nullâ
ratione exco-
liunt.*

Idcirco currui primò Lynx est subjungendus; hoc est: si quis Astronomiæ minimè sub tugi-
riolo, ad fornacem, sed sub dio incumbere statuat, oportet sit fulgentibus, acutisque oculis præditus.

*Cursus A-
stronomicus
non nisi drey-
sis animalibus
instituitur, &
peragitur.*

Secundò; Lynxi jugatur generosus, & impavidus Equus, laborum imperterritus, ac patiens. Quippe res poscit, ne Siderum Scrutator ulli labori & sudori parcat. Tertiò; his duobus Leo admovetur; hoc est: sit vegetus, ardens & constans, ad cursum arreptum conficiendum. His, inquam, feliciter impetratis trigis concitatisimo, & rectissimo fanè cursu provehitur Opus.

Verum autem, ne Astronomia, vel is, qui huic Scientiæ se devovit, curru cadat, vel à recto tramite ad flexum labyrinthi-

*Sideralis Sci-
entia summo
iudicio tra-
ctanda.*

rinthi-

rinthicum deducatur: quandoquidem hæc animalia sunt intractata, ardentia, & durissima oris, adeoque soluta, ut sine prudente aliquo Directore iter facile flecterent, atque ad viam ancipitem devenirent; hoc est: ne hocce Studium optimè cogitatum vago cursu in præcipitia ruat, vel errores cadat, vel saltem à verà metâ deflectatur, operæ pretium est, ut hæc bruta animalia, quæ se ipsa, nec regere, nec se in orbitâ strictè continere queunt, à quodam Agitato- re benè perito, & exercitato; hoc est; ab ipsâ Ratione in anteriori parte trigæ insidente, frenis inditis lenissimè regantur, atque agitentur.

*Non nisi A-
rithmetica &
Geometria
Comitibus da-
tur adire U-
raniam.*

Etenim ut ut Ratio ipsa abundè rerum sit provida, per- acuta & circumspectissima, nullo tamen modo sola hocce negotium sustinet, vel his animalibus concitandis sufficit, nisi Nobilissima Arithmetica, ac Ingeniosissima Geome- tria Ei succurrant, & ferocia, atque inobsequentia ista ani- malia, arripientes habenas, pro voluntate flectant, & ab omni deviatione coerceant: quò prudenti Rationis dire- ctioni, & consilio omninò ad nutum obtemperetur. Ad dextram itaque Geometria adstat, vestimento variis figuris Geometricis condecorato induta, in capite verò Triangu- lum ferens: ad lævam rursus Arithmetica, pulcherrimâ tunicâ numerorum characterismis exornata, moderamen

*Studia Cæle-
stia ex voto
procedunt, si à
perito & ha-
bili rectè &
debitè susci-
piuntur.*

*Astronomia
in Dei Glori-
am, Posteri-
tatisq; com-
modum tan-
dem cedit.*

*Quinam fue-
runt omnium
Astro-*

gerit. Atque ita his trigis, Directore, ac Ducibus Urania Nostra nimum quantum progreditur, benè secuta, quòd haud facile seducatur, aut in errorum præcipitia rapiatur; hoc est: si quis iis jam sæpius dictis animi corporisque do- tibus gaudeat, assistentibus Arithmetica, & Geometria, utique exoptatus, annuente nimirum Divinâ Gratia, hujus Sublimis Studii expectatur exitus, ut dubitandum non sit, quin in Altissimi Gloriam, Scientiæ Decus, atque Aucto- rum sempiternam tandem etiam feliciter cedat memoriam. Id quod volans Tempus per æthera hæc proclamatione pro- fert: *DEO & Posteritati*; Fama verò Temporis Comes his verbis: *Divinæ artis immortalitati*.

Postremò in eodem Iconismo quatuor præcipuos A- stronomiæ Antistites, aliorum omnium Coryphæos univer- sis

sis & singulis germanis Astronomis ad persequenda Illorum vestigia, tum æternæ memoriæ ergò, ob summas horum Excellentium Virorum Virtutes, operasque, tanto molimine præclare peractas, tum in quo honore, ac pretio Eos nunquam non habeam, Eorumque Studia devenerer, producere placuit. Sunt enim quasi quatuor Columnæ, quibus tota Astronomia innititur; ad instar quatuor illorum Globorum, vel lapidum angularium, super quos Obeliscus Scientiæ Sidereæ felicissimè exstructus est; vel potius, qui Universam Machinam Nostram Sideralem, cervicibus suis, tantâ cum laude, à tot seculis hucusque gloriosissimè sustinent, & ab omni labe, atque interitu egregie vindicant.

Astronomorum Eminentissimi.

Prior autem in ordine est Hipparchus, qui omnium primus Catalogum Fixarum, Globumque Cœlestem condidit, nec non Observationes Æquinoctiorum nobis reliquit. Alter est Ptolomæus, reliquorum antesignanus, qui res omnes primus in ordinem, atque sub certam deduxit hypothesein. Hi duo, facem nobis quasi præferunt, nosque admonent, quàm attentissimis animis, quantâque assiduitate tot Stellarum collucentium cursus contemplari, ac perscrutari, Eorum edocti exemplo, debeamus: & ne nobis persuadeamus, Majores jam superasse omnes omninò difficultates, Scientiamque penitus ad culmen perduxisse, uno spiritu pronunciant: *Fundamenta jecimus quidem solida; sed solidiora & majora suo tempore speranda.* Nam arduum opus, quod inchoatur, non protinùs simul omnimodè perficitur, indubitatisque adstringitur legibus; non nisi scrutando, corrigendo, addendo Artes excoluntur: propterea etiam perfectiora, cum DEO & die, speramus: prout etiam feliciter jam accidit. Non ideo tamen eò sunt minores, sed æque maximam merentur laudem, quòd Primopili extiterint, primas difficultates, glaciemque perrumpentes.

Hipparchus.

Ptolomæus.

Veteres nondum omnem penitus superarunt difficultatem.

Progressu, majora adhuc speranda.

Reliqui stantes, Magnus noster est Copernicus, & incomparabilis Tycho Brahæus: qui maximo sanè ingenio,

Copernicus & Tycho quid præstiterint.

D

&

& Heroico ausu Astronomiam sunt aggressi : ille quidem inveniendâ novâ, ac longè faciliori hypothesi, existente scilicet Sole in centro Mundi, Terrâque immobili ; hic verò, tot ac tot tam Fixarum, quàm Planetarum Observationibus, præ cæteris omnibus feliciter peractis, nobisque instar Theſauri relictis, reliqua Eorum merita ut taceam, omninò est in propatulo. Hi, inquam, maximi Viri, ut bini superiores, collatis inter se sermonibus de Studiis Veterum, Eorumque præclaris conatibus, in hæc verba tandem prorumpunt :

Habet, quod agat omnis ætas.

Multa quidem detecta, sed quamplurima Posteris sunt relicta. Equidem non minùs scitè, quàm rectè. Omnis enim ætas habet, quod agat. Hincque non est, quòd nobis imaginemur, nihil ampliùs reliquum esse, quod inveniri, enucleari, corrigi, atque excoli adhuc debeat : tantùm profectò abest, ut id consentaneum sit, ut maximè contrarium luce clariùs compertum habeamus. Nemo enim unquam abyssum Divinæ Sapientiæ, etiam in rebus naturalibus exhauriet : quemadmodum ex sequentibus prolixius elucescet. Atque hæc sunt, quæ occasione Tituli hujus operis, de naturâ videlicet, ingenio, & officio Rerum Coelestium Indagatoris dicere voluimus ; adhæc, quomodo hæc Scientia excoli, & propagari debeat.

Divina Sapientia est imperscrutabilis.

Quinam Astronomorum existere præcipui.

Sequitur nunc, sicuti proposuimus, ut Historias penitiùs inspiciamus, quò pateat, quinam sub vexillo Uraniæ strenuè militaverint, & quinam præ aliis præclariora ab initio præstiterint ? Nam, quæ Poëtæ de Astronomiæ origine, & progressu fabulantur, vel fingunt : utpote de Cælo, quasi hic omnium primus Siderum fuerit Contemplator, cum suis liberis, Atlante scilicet, Saturno, Titane, Hyperione, Japito, Hespero, Atlantis filio, Africa & Mauritaniam incolis ; item de Hercule, Mercurio, Promotheo ac Cephæo, de Endymione, Orpheo, & aliis Astronomiæ operam navantibus, planè silentio præterire decrevimus. Cum fabulis plurimis intermixta esse videantur, ac nullâ certitudine innitentur.

De progressu Astronomiæ plurima Poëtæ fingunt.

Ob defectum Historiarum pro-

Quare ad ea descendamus, quæ à fidis Auctoribus planè sunt annotata : incipiendo primùm à

Græcis

Græcis; etsi haud omnium primi extiterint Inventores, sed alii Barbari, Asiaticique Populi; ut partim Plato ipse ultrò testatur, partim etiam ex relatione nostrâ superiori est manifestum.

In Theatrum igitur hocce Astronomicum primum omnium Thaletem producamus, anno secundo Olympiadis 35; anno scilicet ante Christum 637 natum; qui inter vetustiores Græcorum Astronomos merito refertur. Cursum enim Solis à conversione in conversionem primus detexit, Solisque magnitudini Lunarem orbem comparatum, septuagesimam & vicesimam illius partem esse dixit. Deinde, anni quoque tempora, illorumque vicissitudines primùm invenisse ferunt, eumque in trecentos sexaginta quinque dies divisisse, nec non Cynosuram, Ursam minorem reperisse; Solisque Defectus prædixisse; conscripsit tamen nonnisi duos libellos, secundum quosdam, de Solstitiis videlicet, & Æquinoctiis, teste Laertio: obiit anno ante Christum 586.

Hujus Discipulus fuit Anaximander Milesius, Terram instar centri, ac globosam esse statuens. Solis quoque Solstitia, & Æquinoctia ostendit, nec non constructâ Sphærâ primus horas ex umbrâ gnomonis distinguere docuit: quanquam alii obliquitatis inventionem Pythagoræ; vel Oenopidæ Chio tribuant. Anaximandri autem auditor fuit Anaximenes Milesius, Lunam lumine notho lucere, eoque Terrâ inter Solem & Lunam interpositâ, lumine privari dicens. Anaxagoras verò, Anaximenes rursus discipulus, Solem esse, dicebat, massam rotundam, eamque candentem; Lunam autem habere colles, valles, variaque habitacula; Lacteam orbem esse Solaris luminis reflexionem non intermicantibus stellis.

Tempore Anaximenes claruit in Italiâ Pythagoras, anno ante Christum circiter 525, qui ab Ægyptiis & Chaldeis Sideralem didicit Scientiam; cui Græci, ejusque asseclæ plurimum debent, propter universam Planetarum Theoriam; nec minùs Recentiores, nosque omnes, qui modo Terram mobilem statuimus. Inter cætera enim primitus

*progressum
Astronomia
nonnisi à Græcis
Auctor deducit.*

*Thales inter
primos Græcorum
Astronomos merito
habetur.*

*Anaximander auditor
Thalesis Terrâ
instar centri habuit.*

*Anaximenes
& Anaxagoras
Lunam
monosam esse,
tum alieno
lumine gaudere
dixerunt.*

*Pythagoras
plurimum debent
Astronomi, præsertim
quod serè primus
Terram mobilem
statuerit.*

*Solem item
pro cœtro Pla-
netarum toti-
usq; Universi
habuit.*

*Morum Ter-
ra plurimi Ve-
terum, & Re-
centiorum A-
stronomorum
sunt amplexi.*

*Democritus,
& Empedo-
cles, quo tem-
pore vixerint.*

*Euctemon &
Meton Solsti-
tium observa-
runt.*

*Calippus pe-
culiarem pe-
riodum intro-
duxit.*

*Timochares
& Aristyllus
Fixarum de-
clinationibus
operam dede-
runt.*

*Aristarchus
Samius sen-
tenti-*

docuit, Solem centrum Planetarum, totiusque Mundi esse, eumque cum toto Cœlo stare, Terram verò circa ipsum instar Planetæ moveri. In cujus partes postmodum plurimi Gravissimi Viri abiére: utpote Philolaus Cratoniates, Niceta, Seleucus, Cleantes Samius, Leucippus, Ecphantus, Heraclides Ponticus, Nicolaus Copernicus, & Recentiorum plurimi, immò ferè nunc omnes, qui non verentur sententiam suam, quam in sinu fovent, liberiùs effari.

Anno ante Christum quadringentesimo quinquagesimo octavo, Democritus Abderita, Anaxagoræ Clazomenii, & Licippi Discipulus claruit; qui de Polo, deque Sideribus vagis, atque magno anno nonnulla conscripsit; cui paullo post Empedocles Agrigentinus successit. Deinde anno ejusdem æræ quadringentesimo vigesimo nono Euctemon & Meton Athenis Solstitium observarunt; hic simul cyclum decemnovenalem, sive aureum numerum, nec non Solare horologium, cum quibusdam aliis, excogitavit. Quem secutus Eudoxus Gnidius, haud paucarum rerum Inventor. Anno ante Christum trecentesimo quadregesimo item Autholycus Pritanæus vixit; cujus libri duo, unus de Sphærâ, alter de ortu & occasu Siderum Inerrantium adhuc extant. Sub quibus temporibus Calippus prodiit, periodum annorum 76 introducens, eamque non ab Æquinoctio Autumnali, sed præcedente Solstitio incipiens.

Postmodum Theophrastes Lesbicus, & Aratus emerfere; & sub temporibus Ptolomæi Philadelphi, anno nimirum ante Christum trecentesimo decimo quinto Conon clarus fuit; qui Deliquiorum Solis & Lunæ Observationes collegit, Comamque Berenices Sideribus adscripsit. Horum ferè ætate etiam Timochares & Aristyllus viguerunt; quorum industriâ Stellarum Fixarum Declinationes ex Hipparcho apud Ptolomæum possidemus: inter cætera Timochares Spicam Virginis, punctum nimirum Æquinoctii Autumnalis octo gradibus antecedere, detexit. In primis sub annis ante Christum ducentesimo decimo Aristarchus Samius, & Archimedes magni fuerunt nominis: ille sententiam

tiam